

EUSKAL-ERRIA

REVISTA VASCONGADA

T.^o LXIV

SAN SEBASTIÁN 15 DE MAYO DE 1911

N.^o 1032



D. JOAQUÍN CARRIÓN

PRESIDENTE

de la Diputación Provincial de Guipúzcoa.

† el 28 de Abril de 1911.

¡ILL DA!

GIPUZKOA-KO Diputazio chit goituaren buru, ainbeste urtez izan dana, ez daukagu gure artian:

¡Ill da!

Berak ain maite zituen aur gaño, eri, ta guraso gabeak: ¡ill da! diote malkoak iñuriyaz.

¡Ill da! esaten dute beartsuak, beren biyotz aundiko ongillea galdu dutela ikusirik.

Nekazariyak, lur laneko gizon pizkor ta zintzoak ¡ill da! diote, itz samintzu negargarriakin, beren laguntzalle atsegiñ, nekazaritzaren alde ainbeste lan egindako jaun argidotarren eriyotza jakin dutenian.

Eta batzubek eta bestiak, goikuak eta bekuak, erri aundi eta chiki, kale eta baserri, alde danetan itz au entzuten da: ¡Ill da!

Bai, ala da gure kalterako.

Ill da Joaquin Carrion jauna.

Ill da Gipuzkoa-ko Diputazio chit goituaren buru argidotarra.

Bañan ez dira ill, arrek emen izan diruben naitazun bero eza sutsuak.

Badakigu bada zer egin bear degun omendu nai badegu, biar bezela, bere izen atsegiña:

Lenbizi, otoitz bat bere animarentzako.

Bigarren eraso arrek zebizkiyen lanai: Gipuzkoa geyago eta geyago alchatzeko; gure izkuntza maitagarria zabalda eta goitutzeko; euskaldun oitura chukun ta garbiak ez galdu, baizik berritu eta indartzeko.

Lan orri jarraituko diogu bere izenian.

Eta arren anima prestuba: ¡Jainkoak berekin dezala!